

國立中央圖書館臺灣分館藏






國立中央圖書館 國立中央圖書館, TAIWAN, R.O.C.





NATIONAL CENTRAL LIBRARY, TAIWAN, R.O.C.





NATIONAL CENTRAL LIBRARY, TAIWAN, R.O.C.

518000 v.1



重刻六經敘

先聖孔子承伏羲神農

堯舜禹

湯文武周公以

來道統之傳而刪述六經以詔萬世蓋六經者群聖
載道之文也天之文日月星辰地之文山川草木聖
人之文六經是已而道於是乎在所謂為天地立心
為生民立極為往聖繼絕學為萬世開太平不其然
乎自秦火以後樂經失傳至宋王安石廢權儀禮獨
存禮記之科業經任傳而學者不復知經有六矣鳳
梧寡陋自少有志於六經及宦游中外博訪諸經善
本而未會其全竊嘗仰稽周孔之聖謨參之儒先之



確論不忤愚昧輒以易書詩周禮儀禮春秋定爲六經蓋周禮儀禮皆周公之制作而周禮大司樂太師諸官所掌及儀禮燕射鄉飲皆有樂歌亦可以備樂之大端矣其易書周禮間有舛誤殘闕者悉重加考校以復其舊項承之巡撫江南旣取六經古文篆刻于姑蘇矣又慮朽學者誦習弗便復令新安郡楷書六經梓之以行時鄉守五程督惟謹僥踰半載而工告成於乎新安程朱二大儒闕里也程朱紹周孔之道當論正六經以惠後學茲重刻于新安夫豈偶然也哉實推本程朱之意以傳示於無窮焉若夫學者

治經而體道以免于買椟還珠之蔽則有二大儒之遺訓在後生小子烏乎敢贊嘉靖丁亥夏五月旣望後學處陳鳳梧謹序

周易篇目

上經第一

下經第二

象上傳第一

象下傳第二

象上傳第三

象下傳第四

繫辭上傳第五

繫辭下傳第六

文言傳第七

CENTRAL LIBRARY
ROC

ROC NATIONAL CENTRAL LIBRARY, TAIWAN, R.O.C.

TIFFEN Color Control Patches



說卦傳第八

序卦傳第九

雜卦傳第十

周易上經第一



乾上

乾元亨利貞

初九潛龍勿用

九二見龍在田利見大人

九三君子終日乾乾夕惕若厲无咎

九四或躍在淵无咎

九五飛龍在天利見大人

上九亢龍有悔

用九見群龍无首吉

TIFFEN Color Control Patches



說卦傳第八

序卦傳第九

雜卦傳第十

周易上經第一



乾上

乾元亨利貞

初九潛龍勿用

九二見龍在田利見大人

九三君子終日乾乾夕惕若厲无咎

九四或躍在淵无咎

九五飛龍在天利見大人

上九亢龍有悔

用九見群龍无首吉

TIFFEN Color Control Patches



坤上

坤元亨利牝馬之貞君子有攸往先迷後得主利西南得朋東北喪朋安貞吉

初六履霜堅冰至

六二直方大不習无不利

六三含章可貞或從王事无成有終

六四括囊无咎无譽

六五黃裳元吉

上六龍戰于野其血玄黃

用六利永貞

震上

屯元亨利貞勿用有攸往利建侯

初九磐桓利居貞利建侯

六二屯如遭如乘馬班如匪寇婚媾女子貞不字

十年乃字

六三即鹿无虞惟入于林中君子幾不如舍往吝

六四乘馬班如求婚媾往吉无不利

九五屯其膏小貞吉大貞凶

上六乘馬班如泣血漣如

艮上

告利貞

初六發蒙利用刑人用說桎梏以往吝

九二包蒙吉納婦吉子克家

六三勿用取女見金夫不有躬无攸利

六四困蒙吝

六五童蒙吉

上九擊蒙不利為寇利禦寇

☰

☰

需有孚光亨貞吉利涉大川

初九需于郊利用恒无咎

九二需于沙小有言終吉

九三需于泥致寇至

六四需于血出自穴

九五需于酒食貞吉

上六入于穴有不速之客三人來敬之終吉

☰

☰

訟有孚窒惕中吉訟凶利見大人不利涉大川

初六不來所事小有言終吉

九二不克訟歸而逋其邑人三百戶无眚

六三食德貞厲終吉或從王事无成

九四不克訟復即命渝安貞吉

九五訟元吉

上九或錫之鞶帶終朝三褫之

☵☵

坤上

師貞丈人吉无咎

初六師出以律否臧凶

九二在師中吉无咎王三錫命

六三師或輿尸凶

六四師左次无咎

六五田有禽利執言无咎長于帥師弟子輿尸貞

凶

上六大君有命開國承家小人勿用

☵☵

坤上

比吉原筮元永貞无咎不寧方來後夫凶

初六有孚比之无咎有孚盈缶終來有他吉

六二比之自內貞吉

六三比之匪人

六四外比之貞吉

九五顯比王用三驅夫前禽邑人誦誡吉

上六比之无首凶

䷇ 比

卷下

小畜亨密雲不雨自我西郊

初九復自道何其咎吉

九二牽復吉

九三輿說輻夫妻反目

六四有孚血去惕出无咎

九五有孚攣如富以其鄰

上九既雨既處尚德載婦貞厲月幾望君子征凶

䷈ 小畜

卷下

履虎尾不噬人亨

初九素履往无咎

九二履道坦坦幽人貞吉

六三眇能視跛能履履虎尾人凶武人為于大

君

九四履虎尾愬愬終吉

九五夬履貞厲

上九視履考祥其旋元吉

䷉ 履

卷下

泰小往大來吉亨

初九拔茅茹以其彙征吉

九二包荒用馮河不遐遺朋亡得尚干中行

九三无平不陂无注不復艱貞无咎勿恤其孚于

食有福

六四翩翩不富以其鄰不戒以孚

六五帝乙歸妹以祉元吉

上六城復于隍勿用師自邑告命貞吝

坤上

否大往小來不利君子貞

初六拔茅茹以其彙貞吉亨

六二包承小人吉大人否亨

六三包羞

九四有命无咎疇離祉

九五休否大人吉其亡其亡繫于苞桑

上九傾否先否後喜

坤下

同人于野亨利涉大川利君子貞

初九同人于門无咎

六二同人于宗吝

九三伏戎于莽升其高陵三歲不興

九四乘其墉弗克攻吉

九五同人先號咷而後笑大師克相遇

上九同人于郊无悔



乾上
離下

大有元亨

初九无交害匪咎艱則无咎

九二大車以載有攸往无咎

九三公用亨于天子小人弗克

九四匪其彭无咎

六五厥孚交如威如吉

上九自天祐之吉无不利



艮下
坤上

謙亨君子有終

初九謙謙君子用涉大川吉

六二鳴謙貞吉

九三勞謙君子有終吉

六四无不利撝謙

六五不富以其鄰利用侵伐无不利

上六鳴謙利用行師征邑國



坤下
震上

豫利建侯行師

初六鳴豫凶

六二介于石不終日貞吉

六三盱豫悔遲有悔

九四由豫大有得勿疑朋盍簪

六五貞疾恒不死

上六冥豫成有渝无咎

隨元亨利貞无咎

初九官有渝貞吉出門交有功

六二係小子失丈夫

六三係丈夫失小子隨有求得利居貞

九四隨有獲貞凶有孚在道以明何咎

九五孚于嘉吉

上六拘係之乃從維之王用享于西山

䷐ 巽上

蠱元亨利涉大川先甲三日後甲三日

初六幹父之蠱有子考无咎厲終吉

九二幹母之蠱不可貞

九三幹父之蠱小有悔无大咎

六四裕父之蠶往見吝

六五幹父之蠶用譽

上九不事王侯高尚其事

䷋

坤上

臨元亨利貞至于八月有凶

初九咸臨貞吉

九二咸臨吉无不利

六三甘臨无攸利既憂之无咎

六四至臨无咎

六五知臨大君之宜吉

上六敦臨吉无咎

䷋

坤上

觀盥而不薦有孚顛若

初六童觀小人无咎君子吝

六二闚觀利女貞

六三觀我生進退

六四觀國之光利用賓于王

九五觀我生君子无咎

上九觀其生君子无咎

䷋

坤上

噬嗑亨利用獄

初九履校滅趾无咎

六二噬膚滅鼻无咎

六三噬腊肉遇毒小吝无咎

九四噬乾肺得金矢利艱貞吉

六五噬乾肉得黃金貞厲无咎

上九何校滅耳凶

䷔
噬上

噬嗑小利有攸往

初九賁其趾舍車而徒

六二賁其須

九三賁如濡如承貞吉

六四賁如皤如白馬翰如匪寇婚媾

六五賁于丘園束帛芟芟吝終吉

上九白賁无咎

䷖
賁上

剝不利有攸往

初六剝牀以足蔑貞凶

六二剝牀以辨蔑貞凶

六三剝之无咎

TIFFEN Color Control Patches



六四剝牀以膚凶

六五貫魚以宮人寵无不利

上九碩果不食君子得與小人剝虛

䷖

剝上

復亨出入无疾朋來无咎反復其道七日來復利有

攸往

初九不遠復无祇悔元吉

六二休復吉

六三頻復厲无咎

六四中行獨復

六五敦復无悔

上六迷復凶有災眚用行師終有大敗以其國君

凶至于十年不克征

䷗

震下

无妄元亨利貞其匪正有眚不利有攸往

初九无妄往吉

六二不耕獲不菑畲則利有攸往

六三无妄之災或繫之牛行人之得邑人之災

九四可貞无咎

九五无妄之疾勿藥有喜



上九无妄行有咎无攸利



乾上
震下

大畜利貞不家食吉利涉大川

初九有厲利已

九二輿說輹

九三良馬逐利艱貞日閑輿衛利有攸往

六四童牛之牯元吉

六五積豕之牙吉

上九何天之衢亨



震上
艮下

頤貞吉觀頤自求口實

初九舍爾靈龜觀我朵頤凶

六二顛頤拂經于丘願征凶

六三拂頤貞凶十年勿用无攸利

六四顛頤吉虎視眈眈其欲逐逐无咎

六五拂經居貞吉不可涉大川

上九由頤厲吉利涉大川



震上
坎下

大過棟橈利有攸往亨

初六藉用白茅无咎

九二枯楊生稊老夫得其女妻元不利

九三棟橈凶

九四棟隆吉有它吝

九五枯楊生華老婦得其士夫无咎无譽

上六過涉滅頂凶无咎

☰☷

坎上

習坎有孚維心亨行有尚

初六習坎入于坎窞凶

九二坎有險求小得

六三來之坎坎險且枕入于坎窞勿用

六四樽酒簋二用缶納約自牖終无咎

九五坎不盈祗既平无咎

上六係用徽纆寘于叢棘三歲不得凶

☰☰

離上

離利貞亨畜牝牛吉

初九履錯然敬之无咎

六二黃離元吉

九三日昃之離不鼓缶而歌則大耋之嗟凶

九四突如其來如焚如死如棄如

六五出涕沱若戚嗟若吉

上九王用出征有嘉折首獲匪其醜无咎

周易下經第二



兌上
坤下

咸亨利貞取女吉

初六咸其拇

六二咸其腓凶居吉

九三咸其股執其隨往吝

九四貞吉悔亡憧憧往來朋從爾思

九五咸其脢无悔

上六咸其輔頰舌



兌上
坤下

TIFFEN Color Control Patches



恒亨无咎利貞利有攸往

初六浚恒貞凶无攸利

九二悔亡

九三不恒其德或承之羞貞吝

九四田无禽

六五恒其德貞婦人吉夫子凶

上六振恒凶

䷟ 艮上
恒亨小利貞

初六浚尾厲勿用有攸往

六二執之用黄牛之革莫之勝說

九三係遯有疾厲畜臣妾吉

九四好遯君子言小人否

九五嘉遯貞吉

上九肥遯无不利

䷠ 艮上
大壯利貞

初九壯于趾征凶有孚

九二貞吉

九三小人用壯君子用罔貞厲羸羊觸藩羸其角



九四貞吉悔亡藩決不羸壯于大輿之輹

六五喪羊于易无悔

上六羝羊觸藩不能退不能遂无攸利艱則吉

三三
艱上

晉康侯用錫馬蕃庶晝日三接

初六晉如摧如貞吉罔孚裕无咎

六二晉如愁如貞吉受茲介福于其王母

六三衆允悔亡

九四晉如鼫鼠貞厲

六五悔亡失得勿恤往吉无不利

上九晉其角維用伐邑厲吉无咎貞吝

三三
坤上

明夷利艱貞

初九明夷于飛垂其翼君子于行三日不食有攸

往主人有言

六二明夷夷于左股用拯馬壯吉

九三明夷于南狩得其大首不可疾貞

六四入于左腹獲明夷之心于出門庭

六五箕子之明夷利貞

上六不明晦初登于天後入于地

䷗ 變上

家人利女貞

初九闕有家悔亡

六二无攸遂在中饋貞吉

九三家人嗃嗃悔厲吉婦子嘻嘻終吝

六四富家大吉

九五王假有家勿恤吉

上九有孚威如終吉

䷗ 變上

濟小事吉

初九悔亡喪馬勿逐自復見惡人无咎

九二遇主于巷无咎

六三見輿曳其牛掣其人而且剝无初有終

九四睽孤遇元夫交孚厲无咎

六五悔亡厥宗噬膚往何咎

上九睽孤見豕負塗載鬼一車先張之弧後說之

孤匪寇婚媾往遇雨則吉

䷥ 變上

蹇利西南不利東北利見大人貞吉

初六往蹇來譽

TIFFEN Color Control Patches



六二王臣蹇蹇匪躬之咎

九三往蹇來反

六四往蹇來連

九五大蹇朋來

上六往蹇來碩吉利見大人

䷦

坎下
震上

解利西南无所往其來復吉有攸往風吉

初六无咎

九二田獲三狐得黃矢貞吉

六三負且乘致寇至貞吝

九四解而拇朋至斯孚

六五君子維有解吉有孚于小人

上六公用射隼于高墉之上獲之无不利

䷧

兌下
艮上

損有孚元吉无咎可貞利有攸往曷之用二簋可用

亨

初九已事遄往无咎酌損之

九二利貞征凶弗損益之

六三三人行則損一人一人行則得其友

六四損其疾使遄有喜无咎

六五或益之十朋之龜弗克違元吉

上九弗損益之无咎貞吉利有攸往得臣无家



震下

益利有攸往利涉大川

初九利用為大作元吉无咎

六二或益之十朋之龜弗克違永貞吉王用享于

帝吉

六三益之用凶事无咎有孚中行告公用圭

六四中行告公從利用為依遷國

九五有孚惠心勿問元吉有孚惠我德

上九莫益之或擊之立心勿恆凶



乾下
見上

夫揚于王庭孚號有厲告自己不利即戎利有攸往

初九壯于前趾往不勝為咎

九二惕號莫夜有戎勿恤

九三壯于頄有凶君子夫夫獨行遇雨若濡有愠

无咎

九四聲无膚其行次且牽羊悔亡聞言不信

九五覓陸夫夫中行无咎

上六无號終有凶

TIFFEN Color Control Patches



☰☷ 兌上

姤女壯勿用取女

初六繫于金柅貞吉有攸往見凶羸豕孚蹢躅

九二包有魚无咎不利賓

九三臀无膚其行次且厲无大咎

九四包无魚起凶

九五以杞包瓜含章有隕自天

上九姤其角吝无咎

☰☷ 兌上

萃王假有廟利見大人亨利貞用大牲吉利有攸

☰☷ 兌上

初六有孚不終乃亂乃萃若號一握為笑勿恤往

无咎

六二引吉无咎孚乃利用禴

六三萃如嗟如无攸利往无咎小吝

九四大吉无咎

九五萃有位无咎匪孚元永貞悔亡

上六齋咨涕洟无咎

☰☷ 兌上

升元亨用見大人勿恤南征吉

TIFFEN Color Control Patches



初六允升大吉

九二孚乃利用禴无咎

九三升虛邑

六四王用亨于岐山吉无咎

六五貞吉升階

上六冥升利于不息之貞

☰下

困亨貞大人吉无咎有言不信

初六臀困于株木入于幽谷三歲不覿

九二困于酒食朱紱方來利用亨祀征凶无咎

六三困于石據于蒺藜入于其宮不見其妻凶

九四來徐徐困于金車吝有終

九五劓剛困于赤紱乃徐有說利用祭祀

上六困于葛藟于臲卼曰動悔有悔征吉

☳下

井改邑不改井无喪无得往來井汔至亦未繡井

吝其瓶凶

初六井泥不食舊井无禽

九二井谷射鮒甕敝漏

九三井渫不食為我心恻可用汲王明並受其福

六四井甃无咎

九五井冽寒泉食

上六井收勿幕有孚元吉

䷯
上

革巳日乃孚元亨利貞悔亡

初九鞶用黄牛之革

六二巳日乃革之征吉无咎

九三征凶貞厲革言三就有孚

九四悔亡有孚改命吉

九五大人虎變未占有孚

上六君子豹變小人革面征凶居貞吉

䷰
上

鼎元亨

初六鼎顛趾利出否得妾以其子无咎

九二萬有實我仇有疾不我能即吉

九三萬享革其行塞雉膏不食方雨虧悔終吉

九四萬折足獲公餼其形渥凶

六五萬黃耳金鉉利貞

上九萬玉鉉大吉无不利

䷱
上

震亨震驚百里不喪七電

初九震來虩虩後笑言啞啞吉

六二震來厲億喪貝躋于九陵勿逐七日得

六三震蘇蘇震行无咎

九四震遂泥

六五震往來厲億无喪有事

上六震索索視矍矍狂凶震不于其躬于其鄰九

外婦媾有言

震上

艮其背不獲其身行其庭不見其人无咎

初六艮其趾无咎利永貞

六二艮其腓不拯其隨其心不快

九三艮其限列其夤厲薰心

六四艮其身无咎

六五艮其輔言有序悔亡

上九救艮吉

艮上

漸女歸吉利貞

初六鴻漸于干小子厲有言无咎

六二鴻漸于磐飲食衎衎吉



九三鴻漸于陸夫征不復婦孕不育凶利禦寇
六四鴻漸于木或得其桷无咎

九五鴻漸于陵婦三歲不孕終莫之勝吉

上九鴻漸于陸其羽可用為儀吉

三三 說上

歸妹征凶无攸利

初九歸妹以娣跛能履征吉

九二歸妹能視利幽人之貞

六三歸妹以須反歸以娣

九四歸妹愆期遂歸有時

六五帝乙歸妹其君之袂不如其娣之袂良月幾

望吉

上六女承筐无實士刲羊无血无攸利

三三 雜上

豐亨主假之勿憂宜日中

初九遇其配主雖旬无咎往有尚

六二豐其蔀日中見斗往得疑疾有孚發若吉

九三豐其沛日中見沫折其右肱无咎

九四豐其蔀日中見斗遇其夷主吉

六五來章有慶譽吉



上六豐其屋蔀其家闢其戶謂其无人三歲不覿

凶

䷛ 旅下

旅小亨旅貞吉

初六旅瑣瑣斯其所取災

六二旅即次懷其資得童僕貞

九三旅焚其次喪其童僕貞厲

九四旅于處得其資斧我心不快

六五射雉一矢亡終以譽命

上九鳥焚其巢旅人先笑後號咷喪牛于易凶

䷛ 巽下

巽小亨利有攸往利見大人

初六進退利武人之貞

九二巽在牀下用史巫紛若吉无咎

九三頻巽吝

六四悔亡田獲三品

九五貞吉悔亡无不利无初有終先庚三日後庚

三日吉

上九巽在牀下喪其資斧貞凶

䷛ 巽上

兌亨利貞

初九和兌吉

九二孚兌吉悔亡

六三來兌凶

九四商兌未寧介疾有喜

九五孚于剝有厲

上六引兌

兌上

漢亨王假有廟科液大川利貞

初六用拯馬壯吉

九二渙奔其柷悔亡

六三渙其躬无悔

六四渙其群元吉渙有丘匪夷所思

九五渙汗其大號渙王居无咎

上九渙其血去逖出无咎

兌下

節亨苦節不可貞

初九不出戶庭无咎

九二不出門庭凶

六三不節若則嗟若无咎

TIFFEN Color Control Patches



六四安節亨

九五甘節吉往有尚

上六苦節貞凶悔亡

䷻ 節

中孚豚魚吉利激大川利貞

初九虞吉有它不燕

九二鳴鶴在陰其子和之我有好爵吾與爾靡之

六三得敵或鼓或罷或泣或歌

六四月幾望馬匹亡无咎

九五有孚攣如无咎

上九翰音登于天貞凶

䷵ 睽

小過亨利貞可小事不可大事飛鳥遺之音不宜上

宜下大吉

初六飛鳥以凶

六二過其祖遇其妣不及其君遇其臣无咎

九三弗過防之從或戕之凶

九四弗過遇之无咎往厲必戒勿用水貞

六五密雲不雨自我西郊公弋取彼在穴

上六弗遇過之飛鳥離之凶是謂災眚

䷛ 狀上

既濟小亨利貞初吉終亂

初九曳其輪濡其尾无咎

六二婦喪其茀勿逐七日得

九三高宗伐鬼方三年克之小人勿用

六四繻有衣袽終日戒

九五東鄰殺牛不如西鄰之禴祭實受其福

上六濡其首厲

䷛ 狀下

未濟亨小狐汔濟濡其尾无攸利

初六濡其尾吝

九二曳其輪貞吉

六三未濟征凶不利涉大川

九四貞吉悔亡震用伐鬼方三年有賞于大國

六五貞吉无悔君子之光有孚吉

上九有孚于飲酒无咎濡其首有孚失是

TIFFEN Color Control Patches



周易象上傳第一

大哉乾元萬物資始乃統天雲行雨施品物流形乾道變化各正性命保合大和乃利貞首出庶物萬國咸寧大明終始六位時成時乘六龍以御天

至哉坤元萬物資生乃順承天坤厚載物德合無疆含弘光大品物咸亨牝馬地類行地無疆柔順利貞君子攸行先迷失道後順得常西南得朋乃與類行東北喪朋乃終有慶安貞之吉應地無疆

屯剛柔始交而難生動乎險中大亨貞雷雨之動滿盈天造草昧宜建侯而不寧

THE NATIONAL CENTRAL LIBRARY, TAIWAN, R.O.C.

TIFFEN Color Control Patches



蒙山下有險險而止蒙象亨以亨行時中也匪我求
童蒙童蒙求我志應也初筮告以剛中也再三瀆瀆
則不告瀆蒙也蒙以養正聖功也

需頤也險在前也剛健而不陷其義不困窮矣需有
孚光亨貞吉位乎天位以正中也利涉大川往有功也
訟上剛下險險而健訟訟有孚窒惕中吉剛來而得
中也終凶訟不可成也利見大人尚中正也不利涉
大川入于淵也

師衆也貞正也能以衆正可以王矣剛中而應行險
而順以此毒天下而民從之吉又何咎矣

比吉比輔也下順從也原筮元永貞无咎以剛中也
不寧方來上下應也後夫凶其道窮也

小畜柔得位而上下應之曰小畜健而巽剛中而志
行乃亨密雲不雨尚往也自我西郊施未行也

履柔履剛也說而應乎乾是以履虎尾不咥人亨剛
中正履帝位而不疚光明也

泰小往大來吉亨則是天地交而萬物通也上下交
而其志同也內陽而外陰內健而外順內君子而外
小人君子道長小人道消也

否大往小來不利君子貞則是天地不交而萬物不

通也上下不交而天下無邦也內陰而外陽內柔而外剛內小人而外君子小人道長君子道消也

同人柔得位得中而應乎乾曰同人同人于野亨利涉大川乾行也文明以健中正而應君子正也唯君子爲能通天下之志

大有柔得尊位大中而上下應之曰大有其德剛健而文明應乎天而時行是以元亨

謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也

豫剛應而志行順以動豫豫順以動故天地如之而况建侯行師乎天地以順動故日月不過而四時不忒聖人以順動則刑罰清而民服豫之時義大矣哉隨剛來而下柔動而說隨大亨貞无咎而天下隨之隨之時義大矣哉

蠱剛上而柔下巽而止蠱蠱元亨而天下治也利涉大川往有事也先甲三日後甲三日終則有始也

臨剛浸而長說而順剛中而應大亨以正天之道也至于八月有凶消不久也

大觀在上順而巽中正以觀天下觀盥而不薦有孚

顯若下觀而化也觀天之神道而四時不惑聖人以神道設教而天下服矣

顯中有物曰噬嗑噬嗑而亨剛柔分動而明雷電合而章柔得中而上行雖不當位利用獄也

賁柔來而文剛故亨分剛上而文柔故小利有攸往剛柔交錯天文也文明以止人文也觀乎天文以察時變觀乎人文以化成天下

剝剝也柔變剛也不利有攸往小人長也順而止之觀象也君子尚消息盈虛天行也

復亨剛反也動而以順行是以出入无疾朋來无咎

反覆其道七日來復天行也利有攸往剛長也復其見天地之心乎

无妄剛自外來而為主於內動而健剛中而應大亨以正天之命也其匪正有眚不利有攸往无妄之往何之矣天命不佑行矣哉

大畜剛健篤實輝光日新其德剛上而尚賢能止健大正也不家食吉養賢也利涉大川應乎天也

頤貞吉養正則吉也觀頤觀其所養也自求口實觀其自養也天地養萬物聖人養賢以及萬民頤之時大矣哉



大過大者過也棟橈本末弱也剛過而中巽而說行
利有攸往乃亨大過之時大矣哉

習坎重險也水流而不盈行險而不失其信維心亨
乃以剛中也行有尚往有功也天險不可升也地險
山川丘陵也王公設險以守其國險之時用大矣哉
離麗也日月麗乎天百穀草木麗乎土重明以麗乎
正乃化成天下柔麗乎中正故亨是以畜牝牛吉也

周易卷下傳第二

咸感也柔上而剛下二氣感應以相與止而說男下
女是以亨利貞取女吉也天地感而萬物化生聖人
感人心而天下和平觀其所感而天地萬物之情可
見矣

恒久也剛上而柔下雷風相與巽而動剛柔皆應恒
恒亨无咎利貞久於其道也天地之道恒久而不已
也利有攸往終則有始也日月得天而能久照四時
變化而能久成聖人久於其道而天下化成觀其所
恒而天地萬物之情可見矣

遯亨遯而亨也剛當位而應與時行也小利貞浸而長也遯之時義大矣哉

大壯大者壯也剛以動故壯大壯利貞大者正也正大而天地之情可見矣

晉遯也明出地上順而麗乎大明柔進而上行是以康侯用錫馬蕃庶晝日三接也

明入地中明夷內文明而外柔順以蒙大難文王之利艱貞悔其明也內難而能正其志箕子以之家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟

夫夫婦婦而家道正正家而天下定矣

睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉

蹇難也險在前也見險而能止知矣哉蹇利西南往得中也不利東北其道窮也利見大人往有功也當位貞吉以正邦也蹇之時用大矣哉

解險以動動而免乎險解解利西南往得象也其來復吉乃得中也

有攸往夙吉往有功也天地解而雷

兩作雷雨作而百果草木皆甲拆解之時義大矣哉
損損下益上其道上行損而有孚元吉无咎可貞利
有攸往曷之用二簋可用亨二簋應有時損剛益柔
有時損益盈虛與時偕行

益損上益下民說无疆自上下下其道大光利有攸
往中正有慶利涉大川木道乃行益動而巽日進无
疆天施地生其益无方九益之道與時偕行

夬決也剛決柔也健而說決而和揚于王庭柔乘五
剛也乎豨有厲其危乃光也告自邑不利即戎所尚
乃窮也利有攸往剛長乃終也

姤遇也柔遇剛也勿用取女不可與長也天地相遇
品物咸章也剛遇中正天下大行也姤之時義大矣
哉

萃聚也順以說剛中而應故聚也王假有廟致孝享
也利見大人亨聚以正也用大牲吉利有攸往順天
命也觀其所聚而天地萬物之情可見矣

柔以時升巽而順剛中而應是以大亨用見大人勿
恤有慶也南征吉志行也

困剛掩也險以說困而不失其所亨其惟君子乎貞
大人吉以剛中也言不信尚口乃窮也

巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也革水火相息二女同居其志不相得曰革巳日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時義大矣哉

鼎象也以木巽大亨任也聖人亨以亨上帝而大亨以養聖賢巽而耳目聰明柔進而上行得中而應乎剛是以元亨

震亨震驚百里驚遠而懼邇也不喪匕鬯出可以守

宗廟社稷以為祭主也

艮止也時止則止時行則行動靜不失其時其道光明艮其背止其所也上下敵應不相與也是以不獲其身行其庭不見其人无咎也

漸進也女歸吉利貞進得位往有功也進以正可以正邦也其位剛得中也止而巽動不窮也

歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

豐大也明以動故豐王假之尚大也勿憂宜日中宜

照天下也日中則昃月盈則食天地盈虛與時消息而況於人乎況於鬼神乎

旅柔得中乎分而順乎剛止而麗乎明是以小亨旅貞吉也旅之時義大矣哉

重巽以中命剛巽乎中正而志行柔皆順乎剛是以小亨利有攸往利見大人

兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

渙亨剛來而不窮柔得位乎外而上同王假有廟王

乃在中也利涉大川乘木有功也

節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

中孚柔在内而剛得中說而巽乎乃化邦也豚魚言信及豚魚也利涉大川乘木舟虛也中孚以利貞乃應乎天也

小過亨小者過而亨也過以利貞與時行也柔得中是以可小事也剛失位而不中是以不可大事也飛鳥遺之音不宜上宜下大吉上逆而下順也

既濟小亨小者亨也利貞剛柔正而位當也初吉柔
得中也終止則亂其道窮也

未濟亨柔得中也小狄汔濟未出中也濡其尾无攸
利不續終也雖不當位剛柔應也

TIFFEN Color Control Patches





2025 RELEASE UNDER E.O. 14176



國家圖書館, NATIONAL CENTRAL LIBRARY, TAIWAN, P.R.C.




國家圖書館, NATIONAL CENTRAL LIBRARY, TAIWAN, R.O.C.





NATIONAL CENTRAL LIBRARY, TAIWAN, R.O.C.





國立中央圖書館, TAIWAN, R.O.C.



周易象上傳第三

天行健君子以自強不息潛龍勿用陽在下也
在田德施勢也終日乾乾及復道也或躍在淵道
咎也飛龍在天天人造也亢龍有悔盈不可久也用
九天德不可為首也

地勢坤君子以厚德載物初六履霜陰始凝也馴致
其道至堅冰也六二之動直以方也不習无不利地
道光也含章可貞以時發也或從王事知光大也括
囊无咎慎不害也黃裳元吉文在中也龍戰于野其
道窮也用六未貞以大終也



TIFFEN Color Control Patches



雲雷屯君子以經綸雖盤桓志行正也以貴丁賤大
得民也六二之難乘剛也十年乃字及常也即鹿无
虞以從禽也君子舍之往吝窮也求而往明也屯其
膏施未光也泣血漣如何可長也

山下出泉蒙君子以果行育德利用刑人以正法也
子克家剛柔接也勿用取女行不慎也困蒙之吝獨
遠實也童蒙之吉順以巽也利用禦寇上下順也
雲上於天需君子以飲食宴樂需于郊不犯難行也
利用恒无咎未失常也需于沙衍在中也雖小有言
以言終也需于泥災在外也自我致寇敬慎不敗也

需于血順以聽也酒食貞吉以中正也不建之客來
敬之終吉雖不當位未大失也

天與水違行訟君子以作事謀始不來所事訟不可
長也雖小有言其辯明也不克訟歸道窺也自下訟
上患至掇也食舊德從上吉也復即命渝安貞不失
也訟元吉以中正也以訟受服亦不足敬也

地中有水師君子以容民畜衆師出以律失律凶也
在師中言承天寵也王三錫命懷萬邦也師或輿尸
大无功也左次无咎未失常也長子帥師以中行也
弟子輿尸使不當也大君有命以正功也小人勿用

必亂邦也

地上有水比先王以建萬國親諸侯比之初六有他
言也比之自內不自失也比之匪人不亦傷乎外比
於賢以從上也顯比之吉位正中也舍逆取順失前
禽也邑人不誡上使中也比之无首无所終也

風行天上小畜君子以懿文德復自道其義吉也牽
復在中亦不自失也夫妻反目不能正室也有孚惕
出上合志也有孚樂如不獨富也既雨既處德積誠
也君子征凶有所疑也

上天下澤履君子以辯上下定民志素履之往獨行

顯也幽人貞吉中不自亂也取能視不足以有明也
跛能履不足以與行也噬人之凶位不當也武人為
于大君志剛也愬愬終吉志行也夫履貞厲位正當
也元吉在上大有慶也

天地交泰后以財成天地之道輔相天地之宜以左
右民故茅征吉志在外也包荒得尚于中行以光大
也元往不復天地際也翩翩不富皆失實也不戒以
乎中心願也以祉元吉中以行願也城復于隍其命
亂也

天地不交否君子以儉德辟難不可榮以祿拔茅貞



吉志在君也大人否亨不亂羣也包羞位不當也有命无咎志行也大人之吉位正當也否終則傾何可長也

天與火同人君子以類族辨物出門同人又誰咎也同人于宗吝道也伏戎于莽敵剛也三歲不興安行也棄其穡義弗克也其吉則困而反則也同人之先以中直也大師相遇言相克也同人于郊志未得也火在天上大有君子以遏惡揚善順天休命大有初九无交害也大車以載積中不败也公用亨于天子小人害也匪其彭无咎明辨晷也厥孚交知信以發

志也戚如之吉易而无備也大有上吉自天祐也地中有山謙君子以裒多益寡稱物平施謙謙君子卑以自牧也鳴謙貞吉中心得也勞謙君子萬民服也无不利撝謙不遠則也利用侵伐征不服也鳴謙志未得也可用行師征邑國也

雷出地奮豫先王以作樂崇德殷薦之上帝以配祖考初六鳴豫志窮凶也不終日貞吉以正中也盱豫有悔位不當也由豫大有得志大行也六五貞疾乘剛也恆不死中未亡也宜豫在上何可長也

澤中有雷隨君子以嚮晦入宴息官有渝從正吉也

出門交有功不失也係小子弗無與也係丈夫志舍下也隨其獲其義凶也有孚在道明功也孚于嘉吉位正中也物係之上窮也

山下有風蠱君子以振民育德幹父之蠱意承考也幹母之蠱得中道也幹父之蠱終无咎也裕父之蠱性未得也幹父用譽承以德也不事王侯志可則也澤上有地臨君子以教思无窮容保民无疆咸臨貞吉志行正也咸臨言无不利未順命也甘臨位不當也既憂之咎不長也至臨无咎位當也大君之宜行中之謂也敦臨之吉志在內也

風行地上觀先王以省方觀民設教初六童觀小人道也闕觀女貞亦可醜也觀我生進退未失道也觀國之光尚賓也觀我生觀民也觀其生志未平也電雷噬嗑先王以明罰勅法屢校滅趾不行也噬膚滅鼻來剛也遇毒位不當也利艱貞吉未光也貞厲无咎得當也何校滅耳聰不明也

山下有火賁君子以明庶政无敢折獄舍車而徒義弗來也賁其須與上與也求貞之吉終莫之陵也六四當位疑也匪寇婚媾終无尤也六五之吉有喜也白賁无咎上得志也

山附於地剝上以厚下安宅剝牀以足以滅下也剝牀以辨未有與也剝之无咎失上下也剝牀以膚切近災也以宮人寵終无尤也君子得輿民所載也小人剝廬終不可用也

雷在地中復先王以至日閉關商旅不行后不省方不遠之復以脩身也休復之吉以下仁也頻復之厲義无咎也中行獨復以從道也敦復无悔中以自考也迷復之凶反君道也

天下雷行物與无妄先王以茂對時育萬物无妄之往得志也不耕獲未富也行人得牛邑人災也可貞

无咎固有之也无妄之藥不可試也无妄之行窮之災也

天在山中大畜君子以多識前言往行以畜其德有厲利己不犯災也輿說輶中无尤也利有攸往上下合志也六四元吉有喜也六五之吉有慶也何天之衢道大行也

山下有雷順君子以慎言語節飲食觀我朵頤亦不足貴也六二征凶行失類也十年勿用道大悖也頤順之吉上施光也居貞之吉順以從上也由頤厲吉大有慶也

澤減木大過君子以獨立不懼逐世无悶藉用白茅柔在下也老夫女妻遇以相與也棟枕之凶不可以有輔也棟隆之吉不挽乎下也枯楊生華何可久也老婦士夫亦可醜也過涉之凶不可咎也

水洊至習坎君子以常德行習教事習坎入坎失道凶也求小得未出中也來之坎坎終无功也樽酒簋

剛柔際也坎不盈中來大也上六失道凶三歲也明兩作離大人以繼明照于四方履錯之敬以辟咎也黃離元吉得中道也日昃之離何可久也突如其來如无所容也六五之吉離王公也玉用出征以正邦也

周易象下傳第四

山上有澤咸君子以虛受人咸其拇志在外也雖凶居吉順不害也咸其股亦不處也志在隨人所執下也貞吉悔亡未感害也懷懷往來未光大也咸其腓志末也咸其輔頰吉騰口說也

雷風恒君子以立不易方浚恒之凶始求深也九二悔亡能文中也不恒其德无所容也文非其位安得禽也婦人貞吉從一而終也夫子制義從婦凶也振恒在上大无功也

天下有山遯君子以遠小人而嚴避尾之屬不

往何災也執用黃牛固志也係避之屬有疾德也畜
臣妾言不可大事也君子好避小人否也嘉避貞吉
以正志也肥遯无不利无所疑也

雷在天上大壯君子以非禮弗履壯于趾其孚窮也
九二貞吉以中也小人用壯君子困也藩決不羸尚
往也受羊于易位不當也不能退不能遂不詳也艱
則吉咎不長也

明出地上晉君子以自昭明德晉如摧如獨行正也
裕无咎未受命也受茲介福以中正也衆允之志上
行也施鼠貞厲位不當也失得勿恤往有慶也維用

伐邑道未光也

明入地中明夷君子以蒞衆用晦而明君子于行義
不食也六二之吉順以則也南狩之志乃大得也入
于左腹獲心意也箕子之貞明不可息也初登于天
照四國也後入于地失則也

風自火出家人君子以言有物而行有恒闢有家志
未變也六二之吉順以巽也家人嗃嗃未失也婦子
嘻嘻失家節也富家大吉順在位也王假有家交相
愛也威如之吉反身之謂也

上火下澤睽君子以同而異見惡人以辟咎也遇主

于菴未失道也見與幾位不當也无初有終遇剛也
交孚无咎志行也厥宗噬膚往有慶也遇雨之吉羣
疑亡也

山上有水蹇君子以及身脩德往蹇來譽宜待也王
臣蹇蹇終无尤也往蹇來及內喜之也往蹇來連當
位實也大蹇朋來以中節也往蹇來碩志在內也利
見大人以從貴也

雷雨作解君子以赦過宥罪剛柔之際義无咎也九
二貞吉得中道也貞且乘亦可醜也自我致寇又誰
咎也解而拇未當位也君子有解小人退也公用射

孚以解悖也

山下有澤損君子以懲忿窒慾已事道往尚合志也
九二利貞中以爲志也一人行三則疑也損其疾亦
可喜也六五元吉自上祐也弗損益之大得志也

風雷益君子以見善則遷有過則改元吉无咎下不
厚事也或益之自外來也益用凶事固有之也告公
從以益志也有孚惠心勿問之矣惠我德大得志也
莫益之偏辭也或擊之自外來也

澤上於天夬君子以施祿及下居德則忌不勝而往
咎也有戎勿恤得中道也君子夬夬終无咎也其行

次且位不當也聞言不信聽不明也中行无咎中未
先也无號之凶終不可長也

天下有風姤后以施命誥四方繫羊舍柅柔道牽也
包有魚義不及賓也其行次且行未牽也无魚之凶
連民也九五含章中正也有領自天志不舍命也姤
其角上窮吝也

澤上於地萃君子以除戎器戒不虞乃亂乃萃其志
亂也引吉无咎中未變也往无咎上巽也大言无咎
位不當也萃有位志未光也齋咨涕洟未安上也
地中生木升君子以順德積小以高大允升大吉上

合志也九二之孚有喜也升虛邑无所疑也王用享
于岐山順事也貞吉升階大得志也冥升在上消不
富也

澤无水困君子以致命遂志入于幽谷幽不明也困
于酒食中有慶也據于蒺藜乘剛也入于其宮不見
其妻不祥也來徐徐志在下也雖不當位有與也剝
剛志未得也乃徐有說以中直也利用祭禘受福也
困于葛藟未當也動悔有悔吉行也

水上有水井君子以勞民勸相井泥不食下也舊井
无禽時舍也井谷射鮒无與也井渫不食行惻也求

王明受福也并梵无咎脩并也寒泉之食中正也元吉在上大成也

澤中有火華君子以治歷明時肇用黄牛不可以有為也已日華之行有嘉也華言三就又何之矣改命之吉信志也大人虎變其文炳也君子豹變其文蔚也小人革面順以從君也

木上有火為君子以正位凝命為顏趾未悖也利出否以從貴也鴻有實慎所之也我仇有疾終无尤也鴻耳聾失其義也履公餗信如何也鴻黃耳中以為寶也玉鉞在上剛柔節也

洊雷震君子以恐懼脩省震來虩虩恐致禍也笑言啞啞後有則也震來厲衆剛也震蘇蘇位不當也震遂泥未光也震往來厲危行也其事在中大无喪也震索索中未得也雖凶无咎畏鄰戒也

兼山艮君子以思不出其位艮其趾未失正也不極其隨未退聽也艮其限危薰心也艮其身止諸躬也艮其輔以正中也敦艮之吉以厚終也

山上有木漸君子以居賢德善風俗小子之厲義无咎也飲食衎衎不素飽也夫征不復離羣醜也婦孕不育失其道也利用禦寇順相保也或得其桷頤以

巽也終莫之勝吉得所願也其利可用為儀吉不可亂也

澤上有雷歸妹君子以永終知敝歸妹以娣以恒也跛能履吉相承也利幽人之貞未變常也歸妹以須未當也愆期之志有待而行也帝乙歸妹不如其娣之袂良也其位在中以貴行也土六元實承虛虛也雷電皆至豐君子以折獄致刑雖旬无咎過旬災也有孚發若信以發志也豐其沛不可大事也折其右肱終不可用也豐其蔀位不當也日中見斗幽不明也遇其夷主吉行也六五之吉有慶也豐其屋天

際翔也闔其戶闕其無人自藏也

山上有火旅君子以明慎用刑而不留獄旅瑣瑣志窮災也得童僕貞終无尤也旅焚其次亦以傷矣以旅與下其義喪也旅于處未得位也得其資芥心未快也終以譽命上遠也以旅在上其義焚也喪牛于易終莫之聞也

隨風巽君子以申命行事進退志疑也利武人之貞志治也紛若之吉得中也頻巽之吝志窮也田獲三品有功也九五之吉位正中也巽在牀下上窮也喪其資芥正乎凶也

麗澤兌君子以朋友講習和兌之吉行未疑也兌兌
之吉信志也來兌之凶位不當也九四之喜有慶也
亨于剝位正當也上六引兌未光也

風行水上渙先王以享于帝立廟初六之吉順也渙
奔其杭得願也渙其躬志在外也渙其群元吉光大
也王居无咎正位也渙其血遠害也

澤上有水節君子以制數度議德行不出戶庭知通
塞也不出門庭凶失時極也不節之嗟又誰咎也安
節之亨承上道也井節之吉居位中也苦節貞凶其
道窮也

澤上有風中孚君子以議獄緩死初九虞吉志未變
也其子和之中心願也或鼓或罷位不當也馬匹亡
絕類上也有孚學如位正當也翰音登于天何可長也
山上有雷小過君子以行過乎恭喪過乎哀用過
乎儉飛鳥以凶不可如何也不及其君臣不可過也
從或戕之凶如何也弗過遇之位不當也往厲必戒
終不可長也密雲不雨已上也弗過遇之已亢也
水在火上既濟君子以思患而豫防之喪其輪莢无
咎也七日得以中道也三年克之懲也終日戒有所
疑也東鄰殺牛不如西鄰之時也實受其福吉大來

也濡其首厲何可久也

火在水上未濟君子以慎辨物居方濡其尾亦不知
極也九二貞吉中以行正也未濟征凶位不當也貞
吉悔亡志行也君子之光其暉吉也飲酒濡首亦不
知節也

周易繫辭上傳第五

天尊地卑乾坤定矣卑高以陳貴賤位矣動靜有常
剛柔斷矣方以類聚物以群分吉凶生矣在天成象
在地成形變化見矣是故剛柔相摩八卦相盪鼓之
以雷霆潤之以風雨日月運行一寒一暑乾道成男
坤道成女乾知大始坤作成物乾以易知坤以簡能
易則易知簡則易從易知則有親易從則有功有親
則可久有功則可大可久則賢人之德可大則賢人
之業易簡而天下之理得矣天下之理得而成位乎
其中矣

聖人設卦觀象繫辭焉而明吉凶悔吝剛柔相推而
生變化是故吉凶者失得之象也悔吝者憂虞之象
也變化者進退之象也剛柔者晝夜之象也六爻之
動三極之道也是故君子所居而安者易之序也所
樂而玩者爻之辭也是故君子居則觀其象而玩其
辭動則觀其變而玩其占

象者言乎象者也爻者言乎變者也吉凶者言乎其
失得也悔吝者言乎其小疵也无咎者善補過也是
故列貴賤者存乎位齊小大者存乎卦辯吉凶者存
乎辭憂悔吝者存乎介震无咎者存乎悔是故卦有

小大辭有險易辭也者各補其所之

易與天地準故能彌綸天地之道仰以觀於天文俯
以察於地理是故知幽明之故原始反終故知死生
之說精氣爲物遊魂爲變是故知鬼神之情狀與天
地相似故不違知周乎萬物而道濟天下故不過旁
行而不流樂天知命故不憂安土敦乎仁故能愛範
園天地之化而不過曲成萬物而不遺通乎晝夜之
道而知故神無方而易無體

一陰一陽之謂道繼之者善也成之者性也仁者見
之謂之仁知者見之謂之知百姓日用而不知故君

子之道鮮矣顯諸仁藏諸用鼓萬物而不與聖人同憂盛德大業至矣哉富有之謂大業日新之謂盛德生生之謂易成象之謂乾效法之謂坤極數知來之謂占通變之謂事陰陽不測之謂神

夫易廣矣大矣以言乎遠則不禦以言乎邇則靜而正以言乎天地之間則備矣夫乾其靜也專其動也直是以大生焉夫坤其靜也翕其動也闢是以廣生焉廣大配天地變通配四時陰陽之義配日月易簡之善配至德易其至矣乎

夫易聖人所以崇德而廣業也知崇禮卑崇效天卑

法地天地設位而易行乎其中矣成性存存道義之門

天一地二天三地四天五地六天七地八天九地十天數五地數五五位相得而各有合天數二十有五地數三十九天地之數五十有五此所以成變化而行鬼神也大衍之數五十其用四十有九分而為二以象兩卦一以象三揲之以四以象四時歸奇於扚以象閏五歲再閏故再扚而後掛乾之策二百一十有六坤之策百四十有四九三三百有六十當期之日二篇之策萬有一千五百二十當萬物之數也是故

四營而成易十有八變而成卦八卦而小成引而伸之觸類而長之天下之能事畢矣顯道神德行是故可與酬酢可與佑神矣知變化之道者其知神之所為乎

易有聖人之道四焉以言者尚其辭以動者尚其變以制器者尚其象以下筮者尚其占是以君子將有為也將有行也問焉而以言其受命也如響元有遠近幽深遂知來物非天下之至精其孰能與於此參伍以變錯綜其數通其變遂成天地之文極其數遂定天下之象非天下之至變其孰能與於此易元思

也元為也寂然不動感而遂通天下之故非天下之至神其孰能與於此夫易聖人之所以極深而研幾也唯深也故能通天下之志唯幾也故能成天下之務唯神也故不疾而速不行而至故曰易有聖人之道四焉者此之謂也

夫易何為者也夫易開物成務冒天下之道如斯而已者也是故聖人以通天下之志以定天下之業以斷天下之疑是故著之德圓而神卦之德方以知六爻之義易以貢聖人以此洗心退藏於密吉凶與民同患神以知來知以藏往其孰能與於此哉古之聰

明睿知神式而不殺者夫是以明於天之道而察於
民之故是與神物以前民用聖人以此齋戒以神明
其德夫是故闔戶謂之坤闔戶謂之乾一闔一闢謂
之變往來不窮謂之通凡乃謂之象形乃謂之器制
而用之謂之法利用出入民咸用之謂之神是故易
有太極是生兩儀兩儀生四象四象生八卦八卦定
吉凶吉凶生大業是故法象莫大乎天地變通莫大
乎四時縣象著明莫大乎日月崇高莫大乎富貴備
物致用立象成器以為天下利莫大乎聖人探賈索
隱鈎深致遠以定天下之吉凶成天下之亹亹者莫

大乎蓍龜是故天生神物聖人則之天地變化聖人
效之天垂象見吉凶聖人象之河出圖洛出書聖人
則之易有四象所以示也繫辭焉所以告也定之以
吉凶所以斷也

書不盡言言不盡意然則聖人之意其不可見乎曰
聖人立象以盡意設卦以盡情偽繫辭焉以盡其言
變而通之以盡利鼓之舞之以盡神乾坤其易之緼
邪乾坤成列而易立乎其中矣乾坤毀則无以見易
易不可見則乾坤或幾乎息矣是故形而上者謂之
道形而下者謂之器化而裁之謂之變推而行之謂

之通舉而錯之天下之民謂之事業

聖人有以見天下之順而擬諸其形容彖其物宜是故謂之彖聖人有以見天下之動而觀其會通以行其典禮繫辭焉以斷其吉凶是故謂之爻言天下之至賾而不可惑也言天下之至動而不可亂也擬之而後言議之而後動擬議以成其變化極天下之順者存乎卦極天下之動者存乎辭化而裁之存乎變推而行之存乎通神而明之存乎其人默而成之不言而信存乎德行

周易繫辭下傳第六

八卦成列象在其中矣固而重之爻在其中矣剛柔相推變在其中矣繫辭焉而命之動在其中矣吉凶悔吝者生乎動者也剛柔者立本者也變通者趨時者也吉凶者貞勝者也天地之道貞觀者也日月之道貞明者也天下之動貞夫一者也夫乾確然示人易矣夫坤隤然示人簡矣爻也者效此者也象也者像此者也爻象動乎內吉凶見乎外功業見乎變聖人之情見乎辭

天地之大德曰生聖人之大寶曰位何以守位曰人

何以聚人曰財理財正辭禁民為非曰義

古者包犧氏之王天下也仰則觀象於天俯則觀法於地觀鳥獸之文與天地之宜近取諸身遠取諸物於是始作八卦以通神明之德以類萬物之情作結繩而為罔罟以佃以漁蓋取諸離包犧氏沒神農氏作斲木為耜揉木為耒耒耜之利以教天下蓋取諸益日中為市致天下之民聚天下之貨交易而退各得其所蓋取諸噬嗑神農氏沒黃帝堯舜氏作通其變使民不倦神而化之使民宜之易窮則變變則通通則久黃帝堯舜垂衣裳而天下治蓋取諸乾坤剝

木為舟剝木為楫舟楫之利以濟不通蓋取諸渙服牛乘馬引重致遠以利天下蓋取諸隨重門擊柝以待暴客蓋取諸豫斷木為杵掘地為臼臼杵之利萬民以濟蓋取諸小過弦木為弧剝木為矢弧矢之利以威天下蓋取諸睽上古穴居而野處後世聖人易之以宮室上棟下宇以待風雨蓋取諸大壯古之葬者厚衣之以薪葬之中野不封不樹喪期無數後世聖人易之以棺槨蓋取諸大過上古結繩而治後世聖人易之以書契百官以治萬民以察蓋取諸夬是故易有象也象也者像也系者材也爻也者效天下

之動者也是故吉凶生而悔吝著也

陽卦多陰陰卦多陽其故何也陽卦奇陰卦偶其德行何也陽一君而二民君子之道也陰二君而一民小人之道也

乾坤其易之門邪乾陽物也坤陰物也陰陽合德而剛柔有體以體天地之撰以通神明之德其稱名也雜而不越於稽其類其衰世之意邪夫易彰往而察來微顯而闡幽開而當名辨物正言斷辭則備矣其稱名也小其取類也大其旨遠其辭文其言曲而中其事肆而隱因貳以濟民行以明失得之報

易之興也其於中古乎作易者其有憂患乎是故履德之基也謙德之柄也復德之本也恒德之固也損德之脩也益德之裕也困德之辨也井德之地也巽德之制也履和而至謙尊而光復小而辯於物損雖而不厭損先難而後易益長裕而不設困窮而通井居其所而遷巽稱而隱履以和行謙以制禮復以自知恒以一德損以遠害益以興利困以寡怨井以辯義巽以行權

易之為書也不可遠為道也屢遷變動不居周流六虛上下无常剛柔相易不可為典要唯變所適其出

入以度外內使知懼又明於憂患與故无有師保如
臨父母初率其辭而撻其方既有典常苟非其人道
不虛行

易之為書也原始要終以為質也六爻相雜唯其時
物也其初難知其上易知本末也初辭擬之卒成之
終若夫雜物揆德辯是與非則非其中爻不備噫亦
要存亡吉凶則居可知矣知者觀其象辭則思過半
矣二與四同功而異位其善不同二多譽四多懼近
也柔之為道不利遠者其要无咎其用柔中也三與
五同功而異位三多凶五多功貴賤之等也其柔危

其剛勝邪

易之為書也廣大悉備有天道焉有人道焉有地道
焉兼三材而兩之故六六者非他也三材之道也道
有變動故曰爻爻有等故曰物物相雜故曰文文不
當故吉凶生焉

易之興也其當殷之末世周之盛德邪當文王與紂
之事邪是故其辭危危者使平易者使煩其道甚大
百物不廢懼以終始其要无咎此之謂易之道也
夫乾天下之至健也德行恒易以知險夫坤天下之
至順也德行恒簡以知阻能說諸心能研諸慮定天

下之吉凶成天下之滄變者是故變化云為吉事有
祥象事知器占事知來天地設位聖人成能人謀鬼
謀百姓與能八卦以象告爻象以情言剛柔雜居而
吉凶可見矣變動以利言吉凶以情遷是故愛惡相
攻而吉凶生遠近相取而悔吝生情偽相感而利害
生九易之情近而不相得則凶或害之悔且吝將叛
者其辭蹇中心疑者其辭枝吉人之辭寡躁人之辭
多誣善之人其辭滂失其守者其辭屈

周易文言傳第七

元者善之長也亨者嘉之會也利者義之和也貞者
事之幹也君子體仁足以長人嘉會足以合禮利物
足以和義貞固足以幹事君子行此四德者故曰乾
元亨利貞

初九曰潛龍勿用何謂也曰龍德而隱者也不易乎
世不成乎名遯世无悶不見是而无悶樂則行之憂
則違之確乎其不可拔潛龍也

九二曰見龍在田利見大人何謂也曰龍德而正中
者也庸言之信庸行之謹閑邪存其誠善世而不伐

德溥而化

九三曰君子終日乾乾夕惕若厲无咎何謂也曰君子進德脩業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

九四曰或躍在淵无咎何謂也曰上下无常非為邪也進退无恒非離群也君子進德脩業欲及時也故无咎

九五曰飛龍在天利見大人何謂也曰同聲相應同

氣相求水流濕火就燥雲從龍風從虎聖人作而萬物覩本乎天者親上本乎地者親下則各從其類也上九曰亢龍有悔何謂也曰貴而无位高而无民賢人在下位而无輔是以動而有悔也

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之災也乾元用九天下治也

潛龍勿用陽氣潛藏見龍在田天下文明終日乾乾與時偕行或躍在淵乾道乃革飛龍在天乃位乎天德亢龍有悔與時偕極乾元用九乃見天則

乾元者始而亨者也利貞者性情也乾始能以美利利天下不言所利大矣哉大哉乾乎剛健中正純粹精也六爻發揮旁通情也雲行雨施天下乎也時來六龍以御天也

君子以成德為行日可見之行也潛之為言也隱而未見行而未成是以君子弗用也

君子學以聚之問以辨之寬以居之仁以行之易曰見龍在田利見大人君德也

九三重剛而不中上不在天下不在田故乾乾因其時而惕雖危无咎矣

九四剛而不中上不在天下不在田中不在人故或之或之者疑之也故无咎

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而况於人乎况於鬼神乎

亢之為言也知進而不知退知存而不知亡知得而不知喪其惟聖人乎知進退存亡而不失其正者其惟聖人乎

坤道其順乎承天而時行含萬物而化光後得主利而有常坤至柔而動也剛至靜而德方

積善之家必有餘慶積不善之家必有餘殃臣弑其
君子弑其父非一朝一夕之故其所由來者漸矣由
辨之不早辨也易曰履霜堅冰至蓋言慎也

直其正也方其義也君子敬以直內義以方外敬義
立而德不孤直方大不習无不利則不疑其所行也
陰雖有美含之以從王事弗敢成也地道也妻道也
臣道也地道无成而代有終也

天地變化草木蕃天地閉賢人隱易曰龍裝效王言雲從龍也
君子黃中通理正位居體美在其中而暢於四支發
於事業美之至也

陰凝於陽必戰爲其嫌於无陽也故稱龍焉猶未離
其類也故稱血焉夫玄黃者天地之雜也天玄而地
黃

危者安其位者也亡者保其存者也亂者有其治者
也是故君子安而不忘危存而不忘亡治而不忘亂
是以身安而國家可保也易曰其亡其亡繫于苞桑
同人先號咷而後笑君子之道或出或處或默或語
二人同心其利斷金同心之言其臭如蘭

易曰自天祐之吉无不利祐者助也天之所助者順
也人之所助者信也履信思乎順又以尚賢也是以

自天祐之吉元不利也

勞謙君子有終吉勞而不伐有功而不德厚之至也語以其功下人者也德言盛禮言恭謙也者致恭以存其位者也

知幾其神乎君子上交不諂下交不瀆其知幾乎幾者動之微吉凶之兆見者也君子見幾而作不俟終日易曰介于石不終日貞吉介如石焉寧用終日斷可識矣君子知微知彰知柔知剛萬夫之望

小人不耻不仁不畏不義不見利不勸不威不懲小懲而大誡此小人之福也易曰履校滅趾无咎此之

謂也

善不積不足以成名惡不積不足以滅身小人以小善為无益而弗為也以小惡為无傷而弗去也故惡積而不可掩罪大而不可解易曰何校滅耳凶顏氏之子其殆庶幾乎有不善未嘗不知知之未嘗復行也易曰不遠復无祗悔元吉

初六藉用白茅无咎苟錯諸地而可矣藉之用茅何咎之有慎之至也夫茅之為物薄而用可重也慎斯術也以性其无所失矣

易曰憧憧往來朋從爾思天下何思何慮天下同歸



而殊途一致而百慮天下何思何慮日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉尺蠖之屈以來信也龍蛇之蟄以存身也精義入神以致用也利用安身以崇德也過此以往木之或知也窮神知化德之盛也

作易者其知盜乎易曰負且乘致寇至負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也

易曰公用射隼于高墉之上獲之无不利隼者禽也弓矢者器也射之者人也君子藏器於身待時而動何不利之有動而不括是以出而有獲語成器而動者也

天地絪縕萬物化醇男女媾精萬物化生易曰三人行必損一人一人行則得其友言致一也

君子安其身而後動易其心而後語定其交而後求君子脩此三者故全也危以動則民不與也懼以語則民不應也无交而求則民不與也莫之與則傷之者之矣易曰莫益之或擊之立心勿怙凶

TIFFEN Color Control Patches



易曰困于石揅于藥黎入于其宮不見其妻凶非所困而困焉名必辱非所揅而揅焉身必危既辱且危死期將至妻其可得見邪

德薄而位尊知小而謀大力小而任重辭不及矣易曰禹折足覆公餗其形渥凶言不勝其任也

不出戶庭无咎亂之所生也則言語以爲階君不密則大臣臣不密則失身幾事不密則害成是以君子慎密而不出也

鳴鶴在陰其子和之我不好爵吾與爾靡之君子居其室出其言善則千里之外應之况其邇者乎居其

室出其言不善則千里之外違之况其邇者乎言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎

周易說卦傳第八

昔者聖人之作易也幽贊於神明而生蓍參天兩地而倚數觀變於陰陽而立卦發揮於剛柔而生爻和順於道德而理於義窮理盡性以至於命

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用索剛故易六位而成章

天地定位山澤通氣雷風相薄水火不相射八卦相錯數往者順知來者逆是故易逆數也



雷以動之風以散之雨以潤之日以暝之艮以止之
兌以說之乾以君之坤以藏之

帝出乎震齊乎巽相見乎離致役乎坤說言乎兌戰
乎乾勞乎坎成言乎艮萬物出乎震震東方也齊乎
巽巽東南也齊也者言萬物之潔齊也離也者明也
萬物皆相見南方之卦也聖人南面而聽天下嚮明
而治蓋取諸此也坤也者地也萬物皆致養焉故曰
致役乎坤兌正秋也萬物之所說也故曰說言乎兌
戰乎乾乾西北之卦也言陰陽相薄也坎者水也正
北方之卦也勞卦也萬物之所歸也故曰勞乎坎艮

東北之卦也萬物之所成終而所成始也故曰成言
乎艮

神也者妙萬物而為言者也動萬物者莫疾乎雷撓
萬物者莫疾乎風燥萬物者莫燥乎火說萬物者莫
說乎澤潤萬物者莫潤乎水終萬物始萬物者莫盛
乎艮故水火不相逮雷風不相悖山澤通氣然後能
變化既成萬物也

乾健也坤順也震動也巽入也坎陷也離麗也艮止
也兌說也

乾為馬坤為牛震為龍巽為雞坎為豕離為雉艮為

狗兕為羊

乾為首坤為腹震為足巽為股坎為耳離為目艮為手兌為口

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女乾為天為圓為君為父為玉為金為寒為冰為大赤為良馬為老馬為瘠馬為馵馬為木果

坤為地為母為布為釜為吝嗇為均為子母牛為大

輿為文為衆為柄其於地也為黑

震為雷為龍為玄黃為旉為大塗為長子為決躁為蒼莖竹為萑葦其於馬也為善鳴為馵足為作足為的顛其於稼也為反生其究為楳為蕃鮮

巽為木為風為長女為繩直為工為白為長為高為進退為不果為寡其於人也為寡髮為廣顛為多白眼為近利市三倍其究為躁卦

坎為水為溝瀆為隱伏為矯蹙為弓輪其於人也為加憂為心病為耳痛為血卦為赤其於馬也為美脊為巫心為下首為薄蹄其於輿也為曳為多眚為逆



為月為盍其於木也為堅多心

離為火為日為電為中女為甲冑為戈兵其於人也
為大腹為乾卦為蟹為蟬為蠱為蚌為龜其於木也
為料上稿

艮為山為徑路為小石為門闕為果試為闕寺為指
為狗為鼠為黔喙之屬其於木也為堅多節

兌為澤為少女為巫為口舌為毀折為附決其於地
也為剛鹵為妾為羊

周易序卦傳第九

有天地然後萬物生焉盈天地之間者唯萬物故受
之以屯屯者盈也屯者物之始生也物生必蒙故受
之以蒙蒙者蒙也物之穉也物穉不可不養也故受
之以需需者飲食之道也飲食必有訟故受之以訟
訟必有衆起故受之以師師者衆也衆必有所比故
受之以比比者比也必有所有故受之以小畜物
畜然後有禮故受之以履履者禮也履然後安
故受之以泰泰者通也物不可以終通故受之以否
物不可以終否故受之以同人同人者物必歸焉

故受之以大有有大者不可以盈故受之以謙有大而能謙必豫故受之以豫豫必有隨故受之以隨以喜隨人者必有事故受之以蠱蠱者事也有事而後可大故受之以臨臨者大也物大然後可觀故受之以觀可觀而後有所合故受之以噬嗑噬嗑者合也物不可以苟合而已故受之以賁賁者飾也致飾然後亨則盡矣故受之以剝剝者剝也物不可以終盡剝窮上及下故受之以復復則不妄矣故受之以无妄无妄然後可畜故受之以大畜物畜然後可養故受之以頤頤者養也不養則不可動故受之以大過

物不可以終過故受之以坎坎者陷也陷必有所麗故受之以離離者麗也

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯夫婦之道不可以不久也故受之以恒恒者久也物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷於外者必及其家故受之以家人家道窮必乖故受之以睽



賤者非也非必有難故受之以蹇蹇者難也物不可
以終難故受之以解解者緩也緩必有所失故受之
以損損而不已必益故受之以益益而不已必決
故受之以夬夬者決也決必有所遇故受之以姤姤
者遇也物相遇而後聚故受之以萃萃者聚也聚而
上者謂之升故受之以升升而不已必困故受之以
困困乎上者必及下故受之以井井道不可不革故
受之以革革物者莫若湯故受之以鼎主器者莫若
長子故受之以震震者動也物不可以終動止之故
受之以艮艮者止也物不可以終止故受之以漸漸

者進也進必有所歸故受之以歸妹得其所歸者必
大故受之以豐豐者大也窮大者必失其居故受之
以旅旅而无所容故受之以巽巽者入也入而後說
之故受之以兌兌者說也說而後散之故受之以渙
渙者離也物不可以終離故受之以節節而信之故
受之以中孚有其信者必行之故受之以小過有過
物者必濟故受之以既濟物不可窮也故受之以未
濟終焉

周易雜卦傳第十

乾剛坤柔比樂師憂臨觀之義或與或求屯見而不
失其居蒙雜而著震起也艮止也損益廢衰之始也
大畜時也無望災也萃聚而升不來也謙輕而豫怠
也噬嗑食也賁无色也兌見而巽伏也隨无故也蠱
則飭也剝爛也復反也晉晝也明夷誅也井通而困
相遇也咸速也恒久也渙離也師止也解緩也蹇難
也睽外也家人內也否泰反其類也大壯則止遯則
退也大有衆也同人親也革去故也蔀取新也小過
過也中孚信也豐多故也親寡旅也離上而坎下也



小畜寡也履不處也需不進也訟不親也大過顛也
頤養正也既濟定也未濟男之窮也歸妹女之終也
漸女歸待男行也始過也柰遇剛也夬決也剛決柔
也君子道長小人道憂也

周易雜卦傳第十終

後學廬陳鳳梧校刊


TIFFEN Color Control Patches





國立中央圖書館, 臺灣, R.O.C.





ISS 20020 NATIONAL CENTRAL LIBRARY, TAIWAN, R.O.C.

